

Uunga.

APN@nanoq.gl

Sisimiut ulloq 16 juli 2025.

Pillugu.

Uunga siunnersuut pillugu tusarniaaneq: Inuussutissarsiutiginnagu kapisilinniarneq aamma inuussutissarsiutiginnagu kapisilinniarnermi nalunaaruteqartarnek pillugit Namminersorlutik Oqartussat nalunaarutaat

Tusarniummut oqaaseqaateqassaagut.

Siullermik siunnersuummut oqaaseqaateqassagutta ulloq kingusinnanerpaamik nalunaarfissaq allassimavoq. (issuaavunga Tallimanngorneq ulloq 21. juli 2025 kl. 16.00) Issuaaneq naavoq. Ulloq eqqortoq 21 Juli 2025 ataasinngorneruvoq. Tallimanngornerunani. Kukkusumik ullulernerqarsimavoq. tamannalu akuersaarneqarsinnaanngilaq.

Tusarniummi pingaarnersaasutut pineqarpoq Kapisilinniarnermi pisanik pisaqarsimanngikkaluaraanniluunniit nalunaarsimanngitsut qinnuteqarnerup tulliani pisassinneqassanngitsut. Kalaallit Nunaata NASCO-mi ilaasortatut pisussaaffimminik eqquutitsinnginnera patsisaavoq.

Naak tamakku Politikkerit kusassangaarlutik oqaaserisartagaat. Imatummi oqaaseqartarput pisuussutit uumassusillit inuiaat kalaallit namminneerlutik pigisaraat namminerlu oqartussaaffigalugit. Politikkerit oqaaserisartagaat ilumoorpat pisuussutit uumassusilinnik aqutinermi Kalaallit Nunaat NASCO-mut naalagarsiortussaannngilaq.

Tusarniaanermi piffisaliussaq sivikinneranut pissutaasoq 1 august atuutilerniassammat.

Tamaattoqarsinnaanngilaq tusarniaanermi suleriaaseq nalinginnaasoq sapaatip akunneri 4 simamat minnerpaamik sivilisuseqartussaavoq. Aalisarnermut, Piniarnermut, Nunalerinermut Imminullu pilersornermut Naalakkersuisoqarfik. Tusarniaanissaminut kingusinaarsimaguni nammineq pisuuvoq.

1 august 2025 atuutilertussamik tusarniaasinnaanngilaq. Aamma allakkat qulaani erserpoq ulloq tunniusivissaq kingulleq tallimanngorneq 21 Juli 2025 kukkusuuvoq. Tusarniut atorunnaarsinneqartariaqarpoq. Nutaamik tusarniummik ingerlatisoqartariaqarpoq ukioq 2026 -mi atuutilertussamik.

Qaammat Juuli inuttaasut amerlasuut sulinngiffeqartarput akinissaminullu piffissarititaasoq naammassisinnaanagu. Tamaattumik suleriaaseq tusarniariaaserlu eqqortoq atorlugu ingerlanneqartariaqarpoq ukiorlu 2026-mut atuutilertussamik tusarniaaneq ingerlanneqartariaqarpoq.

Uunga siunnersuut:

Inuussutissarsiutigiginagu kapisilinniarneq aamma inuussutissarsiutigalugu kapisilinniarnermi nalunaaruteqartarneq pillugit Namminersorlutik Oqartussat nalunaarutaat.

§3. Imm2. §§ 7 aamma 8 naapertorlugu nalunaaruteqartussaataitanermik eqqortitsisimanissaanik piumasaqarneq akuersaarneqarsinnaanngilluinnarpoq. Nalunaarsimanngitsut aalisarsinnaanermut akuersissummik pissarsinngitsuussasut. Taamatut piumasaqarneq peerniarsiuk tamaattoqarsinnaanngilaq.

Taamatut piumasaqarneq pisuussutik uumassusilinnik atuisut ikilisarneqarnissaanik suliniuteqarnertut nalilerneqartariaqarpoq. Aalisarnermut Piniarnermullu Nunalerinermullu imminullu Pilersormut Naalakkersuisoqarfik. Inuiaat Kalaallit pisuussutini atuisartuusut illersornerusariaqarpai aamma nunat tamalaat suleqatigiiffianni. Nunanut allannut anngaaginnarnersuaq unittariaqarpoq illersorneeruppugut illersorniartigut. Pisuussutit uumassusillit atuisuusugut aporfilersuinnarsinnaanngilatigut.

Qanoq ililluta imminut pilersussagatta pisuussutini uumassusilinnik atuineq ukiut kingulliit sutigut tamatigut sakkortusigaluttuinnartillugu. Kalaallillu innuttaasunut killilersuineq annertusiartuinnartillugu.

§ 6. Qassutit 2.000-inik nigartallit annerpaamik 30 meter kisimik atoqqusaapput tassuunakkut annertuumik killilersuineq ingerlatereerparsi suli annerusumik piumasaqartarneq unitinniarsiuk. Angerlamut apuukkanni ingerllaannaq kiisa nalunaaqqusisalerpusi. Kapisillit tunitsivinnut tunisaanngillat nammineq pissatinnik kapisilinniartarpugut. Immitinnut pilersorniaratta.

§ 13 unioqqutitsigutta pinerluttulerinermi Inatsimmik unioqqutitsilaaginnartussaavugut. Imminut Pilersornissamut Naalakkersuisoqarfik piumasaqangaarmat.

Piniarnerneq aallaaniarnerlu pillugit Inatsisartut inatsisaat 13 Juuni 2023. Atuutilersinneqartoq sakkortoorujussuarmik kinguneqartitsisinnaavoq. §40 Imm 2-3 takulaarniarsigit. Suna tamarmi sukangasoorujussuarmik ingerlanneqalera ataani atsiortuusunga akuerinngilluinnarapa

Naggaataatigut aalisarnermut Piniarnermut Nunalerinermut Imminut pilersornermut Naalakkersuisoqarfik kaammattussavarput pisuussutini uumassusilinnik sakkortuumik aqutsineq eqqarsaatigilaarniarsiuk nuannerunnaarpoq pisuussutini uumassusilinnik atuisuulluni killilersuinersuaq ingattarserpallaaleqaaq.

Inussiarnersumik Inuulluaqqusillunga

Peter Olsen